



Fiqhi ya ‘Ibada yenyepicha zilizochorwa

Hukumu za Kiislamu zilizowepesishwa

Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan
Ustadh Said Abdu
Ustadh Ahmed Yasin Mustafa
Sheikh Said Bawazir

Uimamu na
Umaamuma

Mlango wa Swala

12 Uimamu na Umaamuma

Yaliyomo

Anaestahiki zaidi kuwa imamu

Kisimamo cha imamu na maamuma
wanaomfuata

Kisimamo cha wanawake

Miongoni mwa hukumu za kumfuata imamu

Kumtangulia imamu

Anayestahiki zaidi uimamu

Kwa mpango:

Kwanza: Msomi zaidi wa Kitabu cha Mwenyezi Mungu: naye ni aliyekihifadhi zaidi na kuuzifahamu zaidi hukumu zake.

Pili: Mjuzi zaidi wa Sunna (mafundisho ya Mtume ﷺ: naye ni yule anayejua zaidi ya maana za hadithi zake na hukumu zilizomo ndani ya hizo hadithi).

Tatu: Mwenye kutangulia kugura (Hijra): Mwenye kutangulia kugura kutoka nchi ya kikafiri na kuenda nchi ya kisalmu. Naikiwa Hakuna hijra basi Mwenye kuhamma machafu nakurudi kwa Mwenyezi Mungu

Nne: Mkuu zaidi wa miaka: Hapa ni iwapo kuna kulingana katika hayo yaliyopita.

Na dalili ya haya yaliyotangulia ni hadithi iliyopokewa na Ibnu Mas'ud al-Answari ﷺ kuwa alisema kwamba Mtume ﷺ alisema: (**Atawaongoza** watu katika Swala msomi zaidi wa Kitabu cha Mwenyezi Mungu. Wakiwa wamelingana katika usomi, basi mjuzi zaidi wa Sunna miongoni mwao. Wakiwa wamelingana katika ujuzi wa Sunna ni yule aliyewatangulia katika hijra (kugura), na iwapo wamelingana katika kugura, basi ni yule aliyewatangulia katika Uislamu⁽¹⁾)⁽²⁾.

Na unazingatiwa mpango huu itakikanapo kumuweka imamu wa msikitii au katika jamaa ya watu wasiokuwa na imamu ratibu (naye ni imamu maalumu wa kuswalisha katika msikitii). Ama msikitii ukiwa na imamu ratibu au imamu akawa ni mwenye nyumba, au akawa ni mtawala,⁽³⁾, basi yeye atangulizwa mbele ya mwengine,

(1) Silman: yaani Uislamu. Na katika riwaya nyingine: "sinnan"

(2) Imepokewa na Muslim.

(3) Takrimah: kile kinachoandaliwa mgeni kukalia.

kwa neno lake Mtume ﷺ: (Na mtu asiwe imamu wa mtu mwengine kwenye mamlaka yake, na aiskaye nyumbani kwake kwenye maandalizi yake isipokuwa kwa ruhusa yake)⁽¹⁾.

Kisimamo cha imamu na maamuma katika Swala

- Maamuma akiwa mmoja:** Sunna ni asimame upande wa kulia wa imamu akiwa amekaribiana naye, kwa hadithi iliyopokewa na Ibnu ‘Abbas ﷺ kuwa alisema: (Niliswali pamoja na mtume ﷺ usiku mmoja nikasimama upande wake wa kushoto, na Mtume akashika kichwa changu kwa nyuma yangu akaniweka upande wake wa kulia)⁽²⁾.
- Jamaa iwapo ni ya watu wawili na zaidi:** Imamu husimama mbele yao kati ya safu, kwa hadithi iliyopokewa na Jabir na Jabaar ﷺ kwamba mmoja wao alisimama upande wa kulia wa Mtume wa Mwenyezi Mungu ﷺ na mwengine upande wake wa kushoto. Jabir alisema: (Mtume wa Mwenyezi Mungu ﷺ akatushika mikono yetu pamoja akatusukuma mpaka akatusimamisha nyuma yake)⁽³⁾.

Kisimamo cha mwanamke

- Wanaposwali wanawake kwa jamaa, lililo sunna ni asimame imamu wao kati ya safu yao na asiwatangulie.
- Mwanamke husimama nyuma ya mwanamume iwapo mwanamume ni imamu wake. Na akiswali na wanaume basi atasimama nyuma ya safu.
- Iwapo wanaume na wanawake wanawali jamaa, sunna ni wawe nyuma ya wanaume. Na safu zao huwa ni kama safu za wanaume. Abu Hurairah ﷺ amepokewa akisema kwamba Mtume wa Mwenyezi Mungu ﷺ alisema:

(1) Imepokewa na Muslim.

(2) Imepokewa na Bukhari na Muslim.

(3) Imepokewa na Muslim.

(Bora ya safu za wanawake ni zile zilizo nyuma ya safu, na shari ya safu za wanawake ni zile za mwanzo wake)⁽⁴⁾



Swala ya wanawake



Mwanamke kuwa karibu ya mwanamume

Miongoni mwa hukumu za kumfuata imamu

- Haisihi kwa mtu aliye nyumbani kwake kumfuata imamu kuitia kusikia sauti yake kwa kipaza sauti au kuitia kusikiliza radio.
- Inafaa kumfuata imamu kutoka nje ya msikiti iwapo safu zimeungana.
- Inasihi kwa maamuma kumfuata imamu hata kama wako juu ya sakafu ya msikiti au wakawa chini ya imamu iwapo wanasikia sauti yake.

(4) Imepokewa na Ibnu Majah.

Mlango wa Swala

4. inafaa kwa mwenye kuswali faradhi kumfuata mwenye kuswali sunna au kinyume chake, mfano wa mwenye kuswali swala ya Isha nyuma ya mwenye kuswali Tarawehe, au kuswali pamoja na aliyepitwa na Swala ili apate thawabu ya Swala ya jamaa. Jabir bin Abdillah¹ amepokewa akisema kwamba Mu'aadh alikuwa akiswali pamoja na Mtume ²kisha akiwajia watu wake akiwaswalisha)⁽¹⁾.



Kufuata kutoka nje ya msikiti

Kumtangulia imamu

1. Amri ya Sheria ni kuwa maamuma amfuate imamu wake kwa kufanya kitendo anachofanya imamu wake papo kwa papo, kwa kauli ya Mtume ³: (Imamu amewekwa afuatwe: akipiga takbri, na nyinyi pigeni takbiri, akirukuu na nyinyi rukuuni na akisujudu, na nyinyi sujuduni)⁽²⁾.
2. Imeharamishwa kumtangulia imamu, na Mtume alilitilia hilo makazo mkubwa kwa kusema: (Kwani haogopi mmoja wenu, anapoinua kichwa chake kabla ya imamu, Mwenyezi Mungu amgeuze kichwa chake akifanye kichwa cha punda au azifanye sura zake kuwa sura za punda)⁽³⁾.
3. Mwenye kumtangulia imamu wake kwa kusahau itamlazimu arudi amfuate.

(1) Imepokewa na Bukhari.

(2) Imepokewa na Bukhari na M.uslim.

(3) Imepokewa na Bukhari na Muslim.





Kuswali nyuma ya asiye na twahara

Swala Haisihi nyuma ya asiye na twahara⁽¹⁾, isipokuwa iwapo hakujulishwa kuwa hana udhu mpaka baada ya kumalizika Swala. Na katika hali hii inasihi swala ya maamuma, na ni juu ya imamu arudie Swala.

(1) Al-muhdith: ni asye na twahara.

